

macora in Christi fide fundatam. Sed propter oppressionem paganorum Helias, Aquileiense patriarcha, ad Gradus veniens, in diocesi et plebe sua habitavit et suorum episcoporum ibi synodum egit.

Interim scimus, quod a beato Marco usque ad Paulum patriarcham, qui ad Gradus, plebem suam, confugit, sunt XX patriarchae, qui venerabilem sedem Aquileiensem tenuerunt et Gradus iudicaverunt ita ut unum proprium de titulis. A Paulo quoque patriarcha usque ad Iohannem patriarcham, ubi inter Aquileiensem sedem et Gradus, plebem eius, divisio facta est, sunt patriarchae V, qui omnes, ut esset, iudicaverunt usque ad Candidianum haeticum, qui hanc divisionem cum Graecis, qui totam Histriam suo quoque iure tenebant, gessit.

51. - 828, ante pasqua. *Il patriarca Venerio a papa Gregorio IV.*

FONTE: Arch. Stato, Venezia, cod. Trevisano, c. 33, n. 23.

EDIZ.: Mon. Germ. Hist., *Epist.*, V, 315 sg.

Domino sancto ac beatissimo in Christo patri Gregorio, summo pontifici et universali papae, Venerius, servus servorum Dei, episcopus, plurimam apostolatus vestri prosperitatem et perenne gaudium a Christo Domino feliciter imploro.

Quoniam quidem post Dominum nullum habet parvitas nostra confugium nisi ad maiestatem apostolici culminis, cuius, Deo auctore, vicem geritis, ac per hoc cogimur crebris supplicationibus nostram justitiam, nostramque concussionem, quam indesinenter aemulus noster exercere non desinit, intimare; iam audacter fisis de effectu paternae clementiae vestrae, ut more nati, qui cuncta parentum auribus ducit intimanda et ab his pio subsidio oblata universa adipiscere nititur, praesumamus. Igitur comperiat, oramus, vestra solers et pia prudentia, beatissime domine papa, quia iam tot vicibus ex iniuncto imperialis auctoritatis ad vestra sacra apostolica vestigia cum Maxentio coniungi debuimus, definienda scilicet causa